



Arkivnr: 2015/3489-1
Saksbehandlar: Birthe Andersen Haugen

Saksframlegg

Saksgang

Utval	Saknr.	Møtedato
Opplærings- og helseutvalet		14.04.2015
Fylkesutvalet		22.04.2015

Disponering av investeringsmidlar opplæringssektoren 2015

Samandrag

I denne saka vert fordelinga av investeringsmidlar til ulike område i opplæringssektoren lagt fram. Til saman er det 35 millionar i investeringsmidlar som vert fordelt. Tabellen syner forslag til deling

Tiltak	Sum
Utstyrsmidlar vidaregåande skular 2015	16 mill kr
Utstyrsmidlar fagskular	7 mill kr
IT- midlar og telefoni,	10 mil kr
Innkjøp reinhaldsutstyr	2 mill kr
Totalt	35 mill kr

Forslag til innstilling

Investeringsmidlar for 2015 til opplæringssektoren vert fordelt slik:

Utstyrsmidlar til 2015	16 mill kr
Utstyrsmidlar fagskular	7 mill kr
IT- midlar og telefoni	10 mil kr
Innkjøp reinhaldsutstyr	2 mill kr
<u>Totalt</u>	<u>35 mill kr</u>

Rune Haugsdal
fylkesrådmann

Svein Heggheim
fylkesdirektør opplæring

Saksframlegget er godkjent elektronisk og har derfor inga underskrift.

Fylkesrådmannen, 25.03.2015

I denne saka vert fordelinga av investeringsmidlar til ulike område i opplæringssektoren lagt fram. Til saman er det 35 millionar kroner i investeringsmidlar som vert fordelt.

Utstyrsmidlar til dei vidaregåande skulane 16 mill kroner

Skulane melder om stor trong for investeringar i utstyr, maskiner og inventar. Tidligere har fylkesdirektør opplæring hatt 10 millionar kroner årleg i driftsmidlar til dei vidaregåande skulane til dette føremålet. Desse midlane har vorte fordelt kvart år etter søknader frå skulane. Typiske føremål for utstyrsinvesteringar dei siste åra har vore møblar og inventar, kjøp av transportmiddel og fornying av utstyr til ulike utdanningsprogram. Denne budsjettposten er sidan 2012 redusert til 1 million kroner, og ein er difor avhengig av å bruke investeringsmidlar for å kunne tildele midlar til dei føremåla som skulane har trong for.

I samband med arbeidet med skulebruksplanen kan det kome endringar i dimensjonering og lokalisering av dei ulike utdanningstilboda. Ein del skular må då kanskje gjere ein del investeringar og tilpassingar i sine tilbod. Fylkesdirektør opplæring vil difor prioritere investeringsmidlar til slike investeringar.

I 2014 vart det sett av midlar øymerka til investeringar ved Amalie Skram vgs og Årstad vgs. I 2015 skal investeringane i utstyr til Årstad vgs slutførast. Det kan og verte trong for å investere i utstyr til vaksenopplæringsssenteret ved Bergen Katedralskole, som flyttar inn i lokala til tidlegare Bergen Handelsgym. Vidare er det trong for utstyr ved realfagslaboratoria på Sotra vidaregåande skule og inventar i samband med rehabiliteringa av auditoriet ved Stord vidaregåande skule, avdeling Vabakkjen. Det kan og verte trong for å starte på investeringane på nye Voss vidaregåande skule.

Utstyrsmidlar fagskulane 7 mill kroner

Styret for fagskulane i Hordaland har sendt fylkesdirektør opplæring ei oversikt over prioriterte utstyrsinvesteringar ved fagskulane. Styret ber om at det vert sett av 15,2 mill kr. Bergen tekniske fagskule flyttar inn i nye mellombels lokale i løpet av året. Her er det trong for å investere i inventar. Ved Bergen maritime fagskule er investeringa i ny brusimulator, som det vart løyvd til i 2014, forseinka, og midlane må difor løyvast på nytt i 2015. Vidare er det ved dei to skulane og deira ulike undervisningsstader trong for å investere i kostbart utstyr for å tilfredsstille krav sett i STCW-konvensjonen.

IT- midlar medrekna telefoniløysingar 10 mill kroner

I samarbeid med it- seksjonen er det planar for investeringar i infrastruktur på skulane. I tillegg er det eit mål å utstyre alle skulane med videokonferanseutstyr, som gjer at skulane kan samarbeide om fagtilbod. Det er også årleg trong for fornying av pc-ar til lærarane og anna it-utstyr som er i bruk ute på skulane. Vidare er det trong for å investere i nye telefoniløysingar for dei vidaregåande skulane.

Reinhaldsutstyr på vgs 2 mill kroner

Innkjøpa av reinhaldsutstyr har gitt ei tiltrengt modernisering av utstyr og maskiner på skulane. Det er viktig å sikre ein god utstyrspark for reinhald. For 2015 vurderer fylkesrådmannen at behovet for slike innkjøp er om lag som i 2014.

Oppsummering:

Fylkesrådmannen rår til at midlane til investeringar i utstyr til opplæringssektoren vert fordelt slik:

Tiltak	Sum
Utstyrsmidlar vidaregåande skular 2015	16 mill kr
Utstyrsmidlar fagskular	7 mill kr
IT- midlar og telefoni,	10 mill kr
Innkjøp reinhaldsutstyr	2 mill kr
Totalt	35 mill kr